

Na osnovu člana 72. Zakona o javnim nabavkama („Službeni glasnik BiH“, broj: 39/14), a nakon provedenog otvorenog postupka, objavljenog na Portalu javnih nabavki, broj: 654-1-1-121-3-13/18, dana 06.11.2018. godine i Odluke o izboru najpovoljnijeg ponuđača, broj: 01/01-2103/13-2018 od 07.12.2018. godine, ugovorne strane

**PRIRODNO-MATEMATIČKI FAKULTET Univerziteta u Sarajevu**, ulica Zmaja od Bosne 33-35, kojeg zastupa prof. dr. Mustafa Memić, dekan Fakulteta (u daljem tekstu: Naručilac),

i

**AB NERETVA d.o.o. Mostar**, kojeg zastupa Anel Bojčić, direktor (u daljem tekstu: Dobavljač), na dan 26.12.2018. godine, zaključuju:

## UGOVOR o nabavci robe

### I PREDMET UGOVORA

#### Član 1.

Predmet ovog Ugovora je **NABAVKA I UGRADNJA PROZORA za potrebe Prirodno-matematičkog fakulteta Univerziteta u Sarajevu**, a na osnovu provedenog otvorenog postupka, objavljeno na Portalu javnih nabavki, broj: 654-1-1-121-3-13/18, dana 06.11.2018. godine.

#### Član 2.

Naručilac se obavezuje da za vrijeme trajanja ovog Ugovora, a u skladu sa ugovorenim uslovima, nabavi od dobavljača proizvode prema ponudi i isti ih dobavljač ugradi, a prema specifikaciji, uz ponuđene garancije kvaliteta.

### II CIJENE, PLAĆANJE I ISPORUKA

#### Član 3.

Dobavljač će snadbjevati naručioca po cijenama iz Ponude, koje su ponuđene od strane Dobavljača u provedenom otvorenom postupku za predmet ovog ugovora.

#### Član 4.

Ukupna ugovorna cijena za predmet Ugovora iz člana 1. Ovog Ugovora, bez poreza na dodanu vrijednost iznosi:

=32.807,00 KM

(Slovima : tridesetdvijehiljadeosamstotinasedam i 00/100 KM)

Porez na dodanu vrijednost (17%) iznosi:

=5.577,19 KM

(Slovima : pethiljadapetstotinasedeamdesetsedam i 19/100 KM)

Ukupna ugovorna cijena za predmet Ugovora iz člana 1. Ovog Ugovora, sa porezom na dodanu vrijednost iznosi:

=38.384,19 KM

(Slovima : tridesetosamhiljadatristotineosamdesetčetiri i 19/100 KM)

#### Član 5.

Ugovorne strane su saglasne da se plaćanje vrši po urednoj isporuci i ugradnji predmeta ugovora u roku od 15 dana od dana ispravno ispostavljenje fakture.

#### Član 6.

Dobavljač se obavezuje da će naručene proizvode isporučiti i ugraditi u roku od 30 (trideset) dana, od datuma pismene narudžbe naručioca, mjesto isporuke FCO skladište naručioca.

U slučaju kašnjenja u isporuci i ugradnji roba, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

### III TRAJANJE UGOVORA

#### Član 7.

Ugovor traje 60 dana od dana zaključivanja.

### IV PRIMOPREDAJA RADOVA

#### Član 8.

Kada nabvaka i ugradnja prozora iz predmetnog ugovora bude izvršena, dobavljač je dužan da pismenim putem zatraži primopredaju radova u objektu.

Primopredaju izvedenih radova izvršit će predstavnici Naručioca i Dobavljača. Naručioc i Dobavljač su dužni da pristupe internom tehničkom pregledu - prijemu radova najkasnije u roku od 7 (sedam) dana nakon dobijanja obavijesti iz prethodnog stava.

### V GARANTNI ROK ZA KVALITET

#### Član 9.

Dobavljač, računajući od dana primopredaje robe i radova u objektu, daje garanciju za kvalitet na:

- Profile, minimalno 10 godina;
- Okove i stalo, minimalno 5 godina;
- Elektroniku, minimalno 2 godine;

### VI OTKLANJANJE NEDOSTATAKA

#### Član 10.

Dobavljač se obavezuje da će otklanjanje nedostataka izvršiti u roku od 7 (sedam) kalendarskih dana, a eventualnu zamjenu nastalu u garantnom roku izvesti za 7 (sedam) kalendarskih dana od dana dobivanja pismene obavijesti od strane Naručioca.

## VII RASKID UGOVORA

### Član 11.

Pravo na raskid ugovora zadržavaju obje ugovorne strane u slučaju da jedna od ugovornih strana ne ispunjava svoje ugovorne obaveze, s tim što su obavezne da o svojoj namjeri pismeno obavijeste drugu ugovornu stranu najmanje u roku od 30 (trideset) dana unaprijed.

## VIII ZAVRŠNE ODREDBE

### Član 12.

Izvršilac kojem je dodijeljen ugovor o javnoj nabavci nema pravo zapošljivati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

### Član 13.

Ugovorne strane su saglasne da se za sve što nije regulirano ovim Ugovorom, primjenjuju odredbe Zakona o obligacionim odnosima.

### Član 14.

Ugovorne strane su saglasne da sva eventualna sporna pitanja riješe sporazumno u duhu dobrih poslovnih običaja.

Ukoliko ugovorne strane ne postignu sporazumno rješenje, za rješavanje spora nadležan je sud u Sarajevu.

### Član 15.

Ovaj Ugovor stupa na snagu danom potpisivanja od strane ovlaštenih lica ugovornih strana.

### Član 16.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primierka.

Dobavljač:

AB NERETVA d.o.o. Mostar

Anel Bojčić, direktor



Broj: AB+01-02/18  
Datum: 26.12.2018. godine

Naručilac:

Prirodno-matematički fakultet  
Univerziteta u Sarajevu

Prof. dr. Mustafa Memić, dekan



Broj: 01/01-2103/17-2018  
Datum: 26.12.2018. godine